

皇明經世文編

皇明經世文編卷之四百四十五

華亭

徐孚遠閣公 陳子龍卧子

編輯

宋徵璧尚木 吳嘉胤繩如

夏允彝瑗公參閱

鄒忠憲公奏疏

疏

鄒元標

亟斥輔臣回籍守制以正綱常疏

彈江陵奪情

臣於九月二十六日聞輔臣張正父喪居正三疏

乞恩守制 皇上三留之為居正計者必再疏懇之

皇明經世編

鄒忠憲公奏疏
卷之一

彈江陵奪情

平露堂

皇上、皇上不聽計哀死求之而已、何求歸之情未
切、暫留之疏、遽上、臣讀此疏、涕泗交流、臣也一介草
茅、跼伏圭竇、恨不躬逢 聖明、沐浴膏澤、今幸蒙收
錄、入仕未幾、自此大故、嗟嗟臣也、生何不辰、卽欲竭
盡血誠、冒干 天聽、自惟涉世未久、諳練未深、不敢
喞喞、自取越職、蓋冀當言責者有言也、今當言責者
自可愧、臺諫慰、留則風節掃地矣 不惟不言、且乞留矣、臣復默而不言、三綱淪、九法斁
日被冠裳、無異禽莩、敢置身斧鉞、披瀝爲 皇上陳
之、臣聞天生民、不能自治也、立君治之、君不能獨治

也。爲相佐之相也者，一人之身而社稷綱常所攸

賴者也。必置身於綱常大道之中，而後朝廷服萬

此亦江陵後事之驗

民懷，一有不善，議其後者如蝟毛而起。孔子曰：苟正

其身矣，於從政乎何有？不能正其身，如正人何？此之

謂也。今觀居正之於父也，憑棺淚奠，未盡送終之禮，

在京守制，尚貪相位之尊，果能正身而正人耶？不能

正身而欲正人，爲居正計者，不可一日而不去。皇

上爲居正計者，不可一日而留矣。居正不去，天下人

所共知也。皇上留之者，豈以其有利社稷耶？然

不知居正之在位也。才雖可爲學術則偏。志雖欲爲自用太甚。諸所設施乖張者難舉。姑舉其最著

者言之。一曰進賢未廣。詩曰菁菁者莪。樂育材也。故聖世士器美而官材茂。今則不然。先朝各郡邑進學數十人。居正任事。限郡邑不過十六七人。是阻進賢之路也。無論他郡邑。臣鄉先朝每科聯登科甲者數十人。今限有定數。是郡邑有可以登科甲者。不可以遊實序矣。夫豪傑之徒。非有衣冠維持之。不羈之才。必有所逞。迄今怨號之聲。遍於江南。此其遺禍何如。

也。二曰決囚太濫。書曰：與其殺不辜，寧失不經。故好生之德，洽於民心。今則不然。先時決囚，初無定額。居正任事，限各省決囚有定數，以致首鼠私竄者，欲盈其數，以免罰，有濫及無辜者矣。未決之先，歲者足以示懲來歲，其數無異，則雖有自新者，其道無繇也。三曰言路未通。古先盛世，草莽賤士，農工商賈，皆得竭盡其力。居正任事，大臣持祿不敢言，小臣畏罪不敢言，誠有之矣。折繡檻於彤庭，披忠肝於玉陛者，未之見也。間有憂關國計，慮切民瘼者，欲抵掌而談，當

世然不先稟命、有今日陳之、而明日罹罪者矣、豈盛世所宜有哉、四曰民隱未周、臣先歲北上、觀黃河泛濫、漂沒爲魚者、不知凡幾、僅有存者、架篙爲巢、啜水爲食、目及至此、心慄魂飛、夫被水潦如此、被旱魃爲災、可知矣、黃河如此、環四境以外、可知矣、有司不以奏聞、恐干大臣德政、以致展轉溝壑、提妻携子、散之四方者衆矣、皇上深居九重、漠然不知、此居正之罪也、其他用深刻之吏、阻豪傑之材、又不可枚數者矣、卽使有利社稷、猶大壞綱常也、况無利社稷

若此而可留之耶、抑豈以居正既去、天下事難以支耶、不知居正在位之時、我國家法度維繫民心者

久、我祖宗德澤聯屬民心者深、况在事諸臣濟濟

後先、非居正力所能獨運也、居正去位之後、其德澤

法度如故也、天下人豈盡出其下哉、豈盡無所補哉、

然江陵去位後事便不同亦不得而

收其實也臣伏讀皇上諭曰、朕學尚未成、志尚未定、先生既

去、前功盡棄、陛下言及至此、宗社無疆之福也、雖

然學固未成矣、弼成帝學者、未可謂在廷諸臣無人

也、志固未定矣、輔翼聖志者、未可謂在廷諸臣無

人也。居正丁憂，可挽留之。居正脫有不測。陛下之
 學將終不成。陛下之志將終不定耶。此臣所未解
 也。皇上以英明之資，御曆五稔，人皆曰將興堯舜
 之道。三王之功矣。以居正而在京守制，天下後世謂
 陛下何如主。綱常自此而壞，中國自此而衰，人心自
 此而弛。居正一人不足惜，後世有攬權戀位者，輒援
 居正故事，甚至窺竊神器，貽禍深遠，難以盡言者矣。
 昔古之碩輔元宰，措則正，施則行，建光明俊偉之業
 者，無他。上下交相信也。今居正冒喪而議國事也。

此是正論所開不細

天下之人皆曰居正不孝而固寵也居正不孝而糜爵祿也居正不孝而擅權也雖有設施誰則信之居正之心必曰天下之人議我不孝而固寵也議我不孝而糜爵祿也議我不孝而擅權也下稍有不從禍流縉紳天下以是疑居正居正以是疑天下上下交相疑而禍不日深者未之有也甚哉居正不可留此位彰彰明矣臣又揣居正之心矣臣觀居正首疏云有非常之人然後辦非常之事非常之事非常人所能辦也是其心蓋曰起復非常事也吾非常人也吾

而當此誰則議之、自臣觀之、人有五常、仁義禮智信是也、方此五者、斯謂之不常之人、今有人於此、親生而不顧、死而不葬、指而名之曰、非常人也、然人不曰殘忍、則曰薄行、不曰禽彘、則曰喪心、可謂非常人乎、且其疏又曰、不顧旁人之謗議、卹匹夫之小節、非病狂喪心、有此言哉、一家非之不顧、一國非之不顧、天下非之不顧、謂理之所在、則顧理而不顧衆論也、三年之喪、無貴賤一也、旁人謗議、是乎非乎、尾生之信、孝已之行、陳仲子之廉、小節也、三年之喪、無貴賤一

也。果可謂小節乎。又曰道路無不爲臣酸鼻。此其欺罔尤不容言。居正未聞喪之先。天下逆視其奸。居正旣留京之後。天下深恨其非。臣登刑堂。遇各司曹出刑曹。接諸冠裳。各垂首喪氣。一日三歎。切齒含憤。有不忍言。酸鼻者誰乎。有皇上帝。婚固大禮也。居正以被經罪人。欲雜乎其間。何心哉。蓋欲誇示來世。以居成功耳。宋臣文天祥當南渡之日。猶送親歸葬。當此清朝。豈南渡之時耶。先朝李賢奪情起復。羅倫力排斥之。居正之不歸。蓋無情可奪。無復可起。又非賢之

儔矣。大臣聞喪而不去，小臣必有匿喪而不報者，固所必致也。嗚呼！父子天性，其恩罔極，事父如此，事皇上可知矣。先正曰：求忠臣於孝子之門，遺其親能忠其君者，未之有也。抑臣尤有深恨焉。國家以言路付之臺省，事關綱常，悉陳無隱，默而不言，猶謂曠職。臣觀湖廣道御史曾士楚一本，爲保留輔臣事，臣不勝驚愕。謂公論倒壞，一至於此。徐察之，各道御史有毅然中止者，士楚悍然不顧，私自上請。此其心豈真爲社稷計哉？蓋曰：輔臣本欲留也，不首留之，其功

不高身首留之。輔臣德我。我不數年。公卿立至矣。此
士楚心也。夫今日上疏留輔臣者。士楚也。臺臣倡之。
明日上疏留輔臣者。陳三謨也。省臣效之。朝廷爲
首善之地。臺省爲公論之所。論及至此。可勝言哉。所
幸者公卿大臣。挺然中立。未有留疏。然因此而遷去。
又不常矣。邇其原。士楚先之。楚也有三年之愛於其
父母乎。臣忠悃如此。伏乞 俯賜採擇。亟斥輔臣。速
歸守制。待制滿之日。另行起用。則綱常正而人心服。
朝廷尊而天變消。萬世仰 聖天子作爲出尋常萬

萬矣居正學尚刑名見臣此疏禍臣必深臣萬萬死矣蓋非嚴刑督責以箝天下之口則攻之者愈多也噫臣甘為妾婦自愛其生矣堂堂丈夫不忍為妾婦也碎首玉階奚憾哉

直抒膚見以光聖德以奠民生疏

聖政五議

臣江西吉安府吉水縣人中丁丑進士建言謫戍貴州都勻衛廼荷隆恩拔之沉淪復齒縉紳臣將母

思慮公未入仕籍謫戍

北往期霑升斗以供菽水復何它覩不意陛下俞

即授給諫亦異數也

臺臣之請授臣以給諫之職拜命以來凜凜未能稱

職是懼，已思學貴經世，言貴適用，時當有事，緘默自持，是爲曠職。時當無事，激切自許，是爲沽名。今乾綱獨斷，聖政一新，所在懷忠良，抱經濟者，搜自巖穴，卽杜口不爲取容矣。且臣少承嚴父之訓，長遵師友之學，知悻悻者徒小節而激切者闇中和，深自懲創，恐負明訓，敢嘵嘵自多哉。斯夕循省，念職事不可久虛，隆眷不可徒負，不避狂瞽，敬瀝百一，夫譚天下國家之事，在握其要，得其要，則衆政畢舉，不得其要，與一政釐一弊，亦徒竭精神已爾。史稱堯舜之知

在急先務，矧知不若堯舜者，能役役爲天下明哉。故臣之所譚，其要惟在培君德，親臣工，肅憲紀，崇儒行，飭撫臣，瑣屑細微之事，暫不敢以瀆聖德。嶽嶽高山，不讓飛埃；涓滴，留意而詳擇其中，臣不勝大幸。臣聞人君宰制萬物，役使羣動，必有握其樞者，心是也。心體至大，丕冒乾坤，心體至靈，同符二曜。或失其體者，何哉？欲累之也，欲在奸聲淫蛙雜奏，心以聲移矣。欲在亂色柔曼爭進，心以色移矣。欲在口腹，其旨並陳。

心以味移矣。幾有可間，左右得而間之，隙有可乘，嬖倖得而乘之。其幾始於微，耿其禍至於尋丈，堯舜致兢業之防，詩書紀危微之訓，故能保世滋大。陛下履綦隆之運，何求不得，際鼎盛之年，何欲不遂，求必得，則人欲日滋，欲必遂，則天理日微，聖學從茲荒矣。孟軻氏曰：養心莫善於寡欲。宋儒周敦頤曰：無欲則靜，虛動直，明通公溥，願陛下味孟氏寡欲之明訓，遵敦頤無欲之格言，研幾於聲色臭味之間，致謹於視聽言動之常，居處有時，無以閒居幽獨而有惰容。

行幸有節。無以血氣方剛而有銳心。此匪獨養德已也。卽養身亦在其中焉。精用而不已。則竭。形勞而不已。則敝。無欲則形充。則精固。而身可長矣。戊寅歲。臣在戍所。邊民自京師來者。道聖母還宮時。惓惓以聖躬爲念。邊民無不舉手加額。謂聖母至仁。陛下至孝。陛下身安。則聖母之心亦安。聖母心安。陛下至孝亦大矣。漢臣汲黯云。內多欲而外施仁義。奈何欲効唐虞之治乎。偉哉斯言。萬世人君之龜鑑。寡欲明訓。誠今日養身養德急務。首願陛下

朝誦而夕惟之也。君臣之分森若冠履，手足腹心，寔

是時神廟正在屬精之日而忠憲公以上下

爲一體，下每願忠於上，每苦上之不達，上每求忠於

隔絕爲戒可謂先机之言

下，又苦下之不誠，此亡它堂陛勢懸而情意間隔故

也。二典三謨，治化隆盛，都俞吁咈，猶可想見。易之繫

卦，上地下天，則爲泰；上天下地，則爲否。否泰之機，明

良之義，其所由來者遠矣。臣往閱三朝聖諭錄，天順

日錄，追我孝宗敬皇帝、世宗肅皇帝朝君臣相

與，歡若家人，煦若父子。或用一人而互爲可否，或行

一事而曲爲調停。父老傳之史冊，載之以爲盛事。

陛下昔在冲年。保傅必慎。今聖齡日強。臣愚以爲有
大政事。如人才錢穀禮樂兵戎刑獄工作。宜召內閣
九卿侍從儒臣。面爲揚確。許科道官旁爲糾正。何者
陛○下○所○閱○者○諸○臣○章○奏○而○已○其○繁○委○可○厭○也○召○對○必
能陳說利弊。開道禍福。不事繁文。而庶政惟和矣。

陛下所接者諸臣儀容而已。其人品未知也。召對必
能洞燭忠邪。鑒別才品。卒然有警。而任使惟當矣。宣
上意而達下情者。陛下內臣而已。過情溢言。未必
真也。召對則讒間不行。猜忌不生。上下交而其志同。

矣。或以御門有常，亦足致理。言之雖美，窒礙難行。臣
憶文皇帝在右順門，諭近臣云：早朝奏事，不得盡
言。午後事簡，卿等得從容陳說。朕亦欲及時商確，英
明神斷如文皇帝，豈顧不自暇自逸哉？以爲不如
是，不足以盡羣情而登上理也。武英殿祖宗朝召
見大臣，裁決庶政之所。陛下一旦鼎新，縉紳之所
揚誦，閭巷之所傳播，皆以陛下銳然復祖宗朝
故事。今大工已就，宜筮日舉行，召對盛典，或先行經
筵，始摘一二事，與大臣諮詢，則上之志日下達，下之

情日上孚。聖心日益開明。聖政日益廣大。列聖明
良相與之盛事。亦於今重光矣。民財告匱。饑孳相望。
譚者曰。有司之不職也。請嚴懲貪吏者。其說甚具。臣
則以爲憲紀之未肅也。拊循統馭。職在有司。秉憲揚
休。責在臺省。苟得其人。持身奉法。則吏畏民安。不得
其人。依阿澆忍。則吏民殘。伏覩明旨云。科道官
須心術純正。奉公砥節。無踵弊套。大哉。皇言。下燭
窮諫。第弊端所在。陛下隱而未發。臣請得而竟之。
省之職。職在封駁。其有隳節敗度。翫法徇私。容臣等

共相交勉以圖報塞供奉輦轂依邇天憲。延臺臣弊。則可爲長歎息焉。昔薛瑄在朝三楊一見且不可得。

而屈其節槩足徵也。出巡三楚政暇惟手抄性理其

清操足覘也。一時人物淳龐臣思及此未嘗不洒洒

欲求吏治之肅民生之遂在巡方之使能正身

毛豎先年一二臺臣昏夜乞哀冠裳掃地剝生靈脂

平下而已

膏以媚要津竭公家庫藏以充私囊折儀千萬視爲

單豆郵使絡繹迹遍列省贖緩不足佐之公帑公帑

不足托之郡邑承順者輒曰辦事薦揚之恐後拂志

者輒曰無爲彈罷之恐遲財在天地止有此數用之

者既如泥沙。取之者又安得不盡錙銖。上有盜竊之行。則下又安得有封殖之民。無惑乎杼軸空虛。而饑餓者衆也。迹之所履者。大貪大惡。而其所劾者。小貪小過。其不反唇相譏者。幾希。此豈可持繡斧立百執事上耶。不特識者憤懣。亦諸臺臣所甚惡者。有臣如此。將焉用之。往事雖無足論。迄今不爲嚴戢。源不正而末流益濫矣。臣叨在班行。見臺省諸臣。濟濟踰踰。極一時之選。其志必欲以激濁揚清爲職。以忘身奉公爲念。臣願陛下渙德音。下明詔。召內閣大臣直

書弊端。倣正統宣德年間。勅諭事例。懸之臺省。以垂永鑑。臺中奉差諸臣。不患無才。患身不正。而威令弛也。回院考察。惟以砥節者爲上。仍將憲綱事例。重爲糾正。如餽遺所不免者。揆之道義。無溢常度。牌坊所必建者。關係風化。無得槩施。操守端則憲紀肅。憲紀肅則羣吏畏懾。雖有貪黷者。且將聞風而靡。從化而流矣。貨財不聚。民生不遂者。未之有也。或曰。臺省情親。義無異同。臣竊謂純心爲國。雖相爭如虎。不害其爲同。孳孳爲利。雖情係骨肉。不害其爲異。臣言雖異。

臣心則同也。且業已稱爲朝廷耳目臣矣。目者謂其無所不見也。一芥眯目。天地易位矣。耳者謂其無所不聞也。微塵塞耳。鐘鼓勿聞矣。耳目之官不清。而欲糾羣吏之貪酷。拯生靈之休戚。是借聽於聾。求視於盲也。國初遣御史巡行郡縣。我太祖諭之曰。爲治以安民爲本。民安則國安。當恤民疾苦。據法守則。未有公帑空虛。而民得安者。亦未有昏夜乞哀。而謂之守正者。臣故曰。憲紀之當肅也。任者突梯滑稽。脂葦潔楹。歡若管鮑。陰相排擠。臣不以爲憂。臣所憂者。學

術未明而儒道大誦也。儒道大誦始於上之推剝而
法令行也。常州知府施觀民糜費民財建荆書院毀
之誠是矣。廼槩將先賢遺跡一槩拆廢臣不知其解
也。彼敢於蔑先聖之道者不過惡聚講假偽學以箝
天下之口耳。孔子大聖尚以學之不講爲憂天縱聰
明如 陛下日講有常經筵不輟卽仁聖豈加於子
而睿知豈出於 陛下者哉。宋真宗錫九經於州縣
學校矣。尤及聚徒講誦之所聚徒講誦自古已然未
聞槩以偽學斥也。天下生才囿於所稟資有純駁故

功有真僞，百僞之中得一真焉。亦足以維世道，匡頹風。因僞棄真是，因沙廢金，因噎廢食矣。佛老之道異於孔子，習其說者焚香頂禮，千百爲羣，琳宮梵刹遍滿郊坰，士誦法孔子，譚詩書，欲將先聖流風漸滅，殆盡亦忍矣。天啓聖明，將宋儒白鹿石鼓等院不許槩棄。是陛下且欲衛先聖之道，以詔來茲。雖然，豈謂我朝人物出宋下哉。祖宗菁莪樸棫，作人者深，諸儒漸仁摩義，特立者衆，如薛瑄、陳憲、章羅倫、王守仁等，先後以理學名者，不下數十人。裊躬垂訓，宛然濂

洛家法。未可謂國無真儒也。今儒風不振久矣。上之所禁。下之所避。上之所作。下之所效也。士不鼓不趨。教不振不從。臣愚以爲凡所拆過書院先賢遺蹟。宜勅禮部令郡邑或槩議修復。或量爲調停。雖未必真儒輩出。然使天下曉然知陛下崇儒重道盛心。學術從此而正。士習從茲而端。未可知也。宣德初。大理卿胡槩請修整胡瑗魏了翁書院。卽諭工部尚書吳中曰。崇名賢於既往。正以獎後進於將來。宜從所請。載在寔錄。班班可考。史書載循良傳。至勸學興文。未

嘗不艷稱之矧陛下舉動上法祖宗照曜史冊傳之天下萬世其關係詎小哉臣故曰儒術之當崇也水旱頻仍災異繁興列在奏牘亦旣爛然蠲恤之詔屢下閭閻之困已甚此其故何歟臣以爲其機不在朝廷而在撫臣古人得百里之地亦足以使民富強何至擁一方重鎮而使民皇皇若是哉國初出鎮大臣命之曰撫者謂其拊摩鞠育與生民安養休息之謂也匪欲樹竒功博崇名已也古來名臣出而鎮撫惟悶悶自持不煦煦以求知地方饑饉有勸富戶

出粟活民無筭者。有責令有司收撫流移不使散之
四方者。絕不以厯宵旰在則民德去則民思。先年二
三撫臣冒軍功者糜爛其民。雖拜爵受賞朽骨冤魂。
叫號春雨秋霜之下者。不知凡幾矣。嚴催徵者敲朴
其民。雖考成奏最。剜肉補瘡。啼泣箠笞縲紲之下者。
不知凡幾矣。封疆雖擁乎大僚。書筭下同乎小吏。甚
至亡而爲有。虛而爲寔。人皆曰干城之器。揮霍之才。
生民痛癢。漫不相關。謂撫之義何。雖然其原始於任
民。命。之。寄。固。宜。假。之。事。權。

重宜擇其人。彥博對曰：為治之要，無以易此。當時韓

在宋時統御之地少，今則托屬滿，連故司也。

范諸臣皆一時名流。今之巡撫視宋諸道使臣，又為

宋為加重

加重簡擇其人，猶恐非才。乃今仕者一得內補，垂涎

京堂，既得京堂，坐列開府，未得如農夫之望。歲既得

如拱壁之在抱，患得患失之心重，為國為民之念輕。

伏願陛下念斧鉞之重寄，憫生靈之無辜，陞擢惟

以直亮端方廉明無黨者為上。諸冒濫鑽刺輒熟可

厭者，絕勿使並進。其現任事地方者，除各邊專理軍

務外，如腹裏地方，仍乞勅都察院轉行各處撫臣，須

存大臣之體。思撫摩之義。以安養休息爲主。以愛民
節用爲本。以正身率屬爲先。水災地方。其所減征者。
猶有田之民也。有地無立。雖褐無完裳。夕無宿春者。
可念也。古有富戶出粟。活民無筭者。其法可陳也。有
笑獨鰥寡。顛連無告。扶持通衢者。可憫也。古有責令
有司。收撫流移者。其義可知也。闢田里。課農桑。厚風
俗。嚴貪墨。古人有行之者。其意可師也。年終將賑過
窮民。撫過流移。行過事跡。造爲成冊。解院。無視爲文
具。政安則民和。民和則天地之和應之。雖有水旱不

能爲異雖有災異不足爲憂矣。林聰撫山東大同。周
忱撫蘇松常鎮。旱乾水溢。何日無之。然惠流民安。四
境晏然。彼其下豈皆賢百執事哉。撫臣者百執事之
表也。表端則影正。源潔則流清。百執事雖欲不兢兢
奉法。不可得也。得百良有司。不如得一賢巡撫。有一
賢巡撫。不患無百良有司。臣故曰撫臣之當飭也。以
裨君德。以弘化理。以振士風。以飭吏治。今日急務。誠
莫有大於此者。臣猶有說焉。今天下如人一身。內如
心腹。外如四肢。精氣消耗殆盡。非培養珍膏。鮮克攸

濟先是世務爲操切，爭威嚴以相高。閭里蕭條，無復
太和景象。臣願陛下崇渾厚以培國脈，廣仁厚以
答天心。節財用以惜民力，酌賞賜以慎名器。親君子
則儉壬日遠，求經史則外好日遷。蒼赤被樂利之澤，
宗社衍靈長之慶矣。

皇明經世文編卷之

皇明經世編

防托臣

大

平露堂

皇明經世文編卷之四百四十六

徐孚遠闇公 陳子龍卧子

華亭

宋徵璧尚水 吳嘉胤繩如

選輯

夏允彝瑗公叅閱

鄒忠憲公奏疏

疏

鄒元標

敷陳吏治民瘼懇乞及時修舉疏

吏治民瘼

臣往以驚逐遊魂辱 陛下賜之生環鹿豕餘棕辱

陛下召之華省感國厚恩頂踵莫知所報竊惟人臣

之義或宣力或矢謨各有攸當臣有一得之愚直陳君父之前舍已從人者得采擇其間人之力皆臣力也人已何異焉臣故條吏治事宜十款語云新沐者彈冠新浴者振衣茲當銓臣秉公持正百度維新之日正嘉謨敷陳明目達聰之始若使臣悠悠默默徼一時浮榮負平生夙學臣不忍也又臣數載窮鄉田耒之與居鉏樵之與伍熟知民間涼燠狀臣復陳民瘼八款夫救民疾病譬醫者灼艾灼艾而不得其竅穴受楚何益臣似非嘗試漫言之者蓋人臣濟世如

拯溺如救焚，衆或解頤，臣心獨苦，豈得已哉！伏願

陛下勅下各部大臣，矢心天日，純心爲國，用意詳覽，

公之誠誠乃尔

可行則行，可止則止，臣絕無一毫成心。其間儻中有窒礙處，臣因此得曉暢世務，通達國體，亦罔非仕學之地。干冒天威，無任隕悚之至。爲此開款具本，計

開定等則，夫辦官材品，內吏非難，外吏難，外大吏非

難。外小吏難，小吏郡自同知下，邑自知縣下是已。職

遞下明遞，暗蓋嘗論辨大吏，譬奏黃鍾大鑪，有耳者

小吏雖不能行大愿而細民受其忠所損

無不聞之辨。小吏譬聽蟋蟀之鳴，非甚聰者不能審

其音也。易曰：雲雷屯。君子以經綸。釋者曰：經者比其

絲而合之也。曰綸者析其類而分之也。絲雖衆多，千

條萬緒，各自不亂。臣竊謂辨小吏亦當類此。彼小吏

雖衆，吾欲起而辨之，豈能人人耳而目之哉。大都以

撫按考語爲準。其陞遷亦以閩撫按考語爲準。顧其

弊非一途矣。有考語實謬而以夤得美秩者，有預卹

其刺而以賄吏書洗補移之他人者，千態萬狀，選臣

執簿頭欲刺眼，欲昏卽欲一一而坐照之，難矣。臣愚

謂宜明分爲九等。上上中上下中上中中下下

上下中下下。在外撫按。明以此註考語送部。在內選
臣。明以此定陞除。考語上上者陞上。餘俱以次而
推。中下者陞王府發憑。下上下中下下者陞王府不
以發憑。此甄敘羣吏。以簡馭煩之要道。且足以杜請
謁之私。絕城社之奸。不然。難必其無漏網之弊。屈抑
之歎矣。洗佞習。夫課吏治。全憑考語。讀其語。如見其
人。因其人以授之職。斯有所憑籍。臣讀典謨。君臣咨
諏之詞。同寅稱謂之間。曰可哉。曰試可。乃已。何兢兢
致慎也。臣讀弘正間考語。猶不失先輩遺風。課一布

政曰悶悶之政。長者之度。今則以爲罷輒矣。課有司曰。志頗自勵。守亦足觀。今則以爲無當矣。每薦牘出。抽黃對白。駢四驪六。薦者以非極揄揚不足結彼之銘感。被薦者以非蒙重語不足爲己之深知。曰才與誠合。光風霽月。是周程諸賢復生矣。察其人。仕路之奸雄也。曰守遵四知。琴鶴相隨。是趙抃楊震挺生矣。察其人。捆載歸鄉里也。曰才堪八面。北門鎖鑰。是孔明冠準傑出矣。察其人。一籌不能寸展也。珪璋瑚璉如金如玉。麒麟鳳凰如松如栢。古人所以頌聖賢。

者。今以之譽凡夫矣。以故薦剡未乾。彈劾繼之。夫人稱執友先輩之前。猶恐一語不實。貽知人之羞。非事長之實。陛下尊如天。威如雷霆。詰實以責後效。彼將何辭以對。諸臣之恬不知畏。則諂佞風熾。雖有賢者。亦爲其所移。而不自覺耳。臣愚謂宜嚴勅撫按。須循名責實。無得過褒。將成弘正年間考語彙成一冊。頒布各省。如舉業正式之類。倘再如前虛諛。定以不敬論。不然。如蒙霧觀花。人與言兩不相習。無怪乎吏治偷薄。風俗不淳矣。便陞轉臣曾任南京兵部職方

司主事維時兩京兵部尚書郭應聘功在兩廣言其清勵功高不容口臣問之則半生閱歷在兩廣以故熟其地方險易賊盜生沒民情涼燠故得措之行事臣因歎方面不可數更易也今合無兩司知府於地方夙有聲稱其百姓欲借寇而不可得者陞轉遷擢一以本省爲主兩院欲咨詢地方事宜得其要竅而不迷謬利一。本官在地方所有施爲若輕車熟路利二。省驛遞往來之費利三。此陞轉本省之當議也。臣有說焉庚辰辛巳年間方面大使上無重寄之望下

無引決之謀、多攻擊去、說者謂攻擊其異已者然多矣、議者謂失之刻、十餘年來、攻擊疏阻、引決意微、積俸已久、去之不能、用之不可、不得已陞、且濫且驟、雖他日有冒濫京堂之疏、然不過二三人、索責漏網者多矣、臣竊謂失之大泛、合無布政廉使等官、許其考滿、俱具乞休疏、如生平履歷端、方才華卓犖、疏議留陞、擢或生平無愧、年華侵盛者、量加空銜、其餘俱准致仕、中間如去留不當、言官論救、則退之以禮、皇路少見廓清、無賢愚並滯之患矣、議久任、久任之法、自

嘉靖戊辰後始宜乎宇內家給人足而蕭條悽楚大異疇昔則久任之法未盡議也臣請得熟數之夫循良之吏人與地相習譬鳳鳴高岡有耳者聞之皆喜驚悍之吏人與地相戾譬鴟囂於室主人恨不得早逐之爲愈也凡欲用人之力在得人心使之欣然趨事鼓舞不倦然後惟其所欲爲而罔有倦心令之久任在未能使天下吏以久任爲榮而以不久任爲辱耳臣愚謂久任以四年爲准其更遷以二年爲准賢者久任使之志意得展以待行取中平者陞去不

然庸者無上進之望計日月而竊祿奸者多憑依之
謀。依城社而肆螫。是故又任可以藏奸可以庇不能
賢者聞之解體能者因之隳志。不幾雜鴟鴞鳳凰同
室乎。重京考考察所以黜幽懲枉慮根莠不除嘉穀
不茂若以嘉穀當狼莠則膏腴盡成磽薄臣丙戌冬
曾與大計總之以兩京各省撫按之糾覈稍劑量其
間足矣。惟是兩京考察議論紛紜毀譽雜出雖孔聖
復生耻爲鄉愿之行難必其滿於人之口矣當事者
非有洞世高見千古定力鮮不爲所眩臣查先朝以

陸容之賢能爲人非心。至今載之楚史。以爲冤抑。邈者一錮顏鯨。再錮胡桂芳。萬廷言。三錮管志道。譚者皆爲諸臣冤。臣竊以爲奪一時浮榮。與萬世清議。諸臣得搏心并精不朽之業。眎之浮榮猶一呷也。是所奪諸臣隘。所與諸臣奢。何所不樂。顧近爲國體傷。遠爲國史玷。以黜幽宏典。開報復私竄。正人君子心竊憂之。臣愚謂京察年分不必分單咨訪。許部院各寺糾覈各屬。以備考察。如撫按糾方面例。翰林屬之掌院。六科屬之掌院。倘糾覈不當。他日公論旣明。重則

削職、輕則不與葬祭、夫彼旣已宦成、猶不爲國惜才、
使好修之夫、屈首蓬藿、足以干天和、召戾氣、卽重懲
不爲過也、法嚴則人心肅、彼雖求一時之諧、衆口不
能○不○憚○他○日○之○拂○公○論○矣、且○與○其○陰○開○冊○送○部○院○不
若○明○上○疏○君○父○之○前○使○疏○而○果○當○其○罪○是○與○衆○共○棄
之○也、光明正大之典、願力行之、褒名德、古先聖哲、於
幽潛沉修之士、雖在異世、猶贈其官、錄其後者、凡以
輔翼風化、匡扶世道、關係非渺淺也、臣不暇遠舉、
陛下近日從祀二賢、海內爭彈冠相慶、以爲熙朝盛

事願有童孺知其名而未得諡或既諡而贈官未采
載理學名臣錄而未得贈一官臣得諸三人焉原任
大學士解縉天挺人豪國士無雙韻宇流布海內丹
衷簡在列聖開國元臣至不得受易名之典闡幽謂
何原任左春坊左贊善贈光祿寺少卿羅洪先少年
巍科終身退處澹泊爲百年楷範沉修樹來學章程
所贈非其所處尊賢謂何原任庶吉士降石城吏目
鄒智冰霜勵志侮羣奸而不辭慷慨持身喪嶺表而
不悔一代名臣仍其以吏目稱褒忠謂何臣愚謂解

縉宜賜美諡、羅洪先宜贈吏部堂上官、鄒智宜贈館職、此清朝鉅典而有待於今日者也。臣於今又得三人焉、原任左春坊左中允張元忭、臣雖未面、心實嚮往、不欲以一第自居、矯然以古人自期、歷官居鄉、行誼修潔、允矣諸儒之章程也。齋志以沒、識者恨之、臣愚謂宜贈諡以爲不愧科名者勸、原任尚寶司少卿兼監察御史徐貞明、政存口碑、風高鎖闥、欲爲國家奠粒食之原、櫛風沐雨、廟宿埜處、苦身勞力、焦唇乾肺、功未成、竟齋恨以沒、所謂以死勤事者、非耶。臣愚

謂宜贈官以爲許身國家者勸。原任尚寶司少卿孟秋容，貌爵位不能動人，慄慄真修，臣每屈服。生孔孟之時，必爲原憲之儔。其在今日，亦恢恢乎得斯道之大端矣。臣愚謂宜贈官以爲安貧樂道者勸。內徐貞明人，或以功未垂成爲言。臣請比近例可乎。原任工部郎中羅用敬，淮上之功，與貞明巡行阡陌，勞逸不同。人品才譔，當亦有別。用敬以郎署得贈，太僕寺少卿貞明原係京堂，不得蒙一命之榮。將來志士寒心，勞臣解體，非鼓舞豪傑之要也。褒贈係驗封司職掌。

在官言官，匪敢哆譚，慎撫臣，國初無撫臣之設，後以大臣出理貢事，留鎮一方，撫臣因而相仍，所需填撫，方夏，飭慈疆徼，挈戴豈不至隆重哉！顧仁者惠綏黎氓，知者洗剔弊竇，能者肅敘憲紀，雖各擅所長，均不失爲良臣，乃不然者，到任不問生民利病，內惟媚津要爲事，書郵饋遺，絡繹不絕，外充惟囊橐爲計，查盤批詞，肆道而出，藩臬不問其職舉否，某有氣力，不可撼搖，陰爲諛詞，結之郡邑，不問其人賢否，某係進士，已經數薦，多結納之，有美無刺，有舉無劾，間有劾者，

不過曾經考察通判科貢出身陞王官數人而已又
暴者裝飾軍功庸者引領陞除 陛下設官之意固
爾取夫官至巡撫其歷官多年或自科道出者建白
可稽也或自寺署藩臬出者履歷可驗也果獨立朝
端一無所倚乎亦徇盜之流乎果循循雅飭歷有成
績乎亦庸庸竊祿無一善狀乎不知其人則爲不明
知其人而用之則爲不公無一可者也臣愚謂自今
以往宜令諸大臣各保薦一二人時亂則先揮霍時
平則右介靜積衰之後則首精明整理之餘宜上渾

厚。無槩以生事者當之。倘有不當。請坐舉者之罪。昔國初有保舉守令不當者。皆得反坐。故當時治化隆茂。邑里忘愁歎之聲。今獨不可行之任撫臣者乎。此莫安。宗社之要務也。惟陛下留意。臣竊有慨焉。繁纓小物也。孔子惜之。惟名與器不可假人故也。爵祿者國家之名器也。習尚相沿。積弊難挽。親當事親者進。故當事故者進。親故又進。非親非故。呈身取憐。昏夜乞哀者進。一人當庖。百人染指。一夫開徑。千夫爭趨。所以然者。下焉者賄。上焉者情。賄者十

不一二情者十而八矣。或門生或吏或桑梓或姻
姪或年家或世講或舊遊或面交或舊治此輩日感
恩銘心吾之前不知私門念重公家情輕良心炯炯
夜半必薄其非端士矣日奴顏婢膝吾之前不知私
門念重公家情輕口輒足滑軸移機轉雲消雨散又
顧而之他矣人爲情死法爲情虧國家名器爲情棄
試看二三十年前列大官博顯位歸而語鄉里對妻
子曰誰之力乎懼人之扼其短及從而怨詈之叛背
之矣又回看二三十年後扶世道維名教果以名位

爲軒輊乎。果此卑瑣之流乎。嗟當局者迷，不覺耳。自非洞千古之眸，堅冰霜之腸者，未易破此坑窞，握進退之柄者，臣言可以深長思矣。搜遺逸，人臣孰不欲析圭儋爵，榮祖考，光來裔，顧汲汲有託而逃焉者，上焉者，潛心性命之精，次則殫精細素之業，又次則與時齟齬，全身遠害，均之以逸，稱也。彼其巉巖而廬據石而瞑，豈非甘采苓之適，遠贈繳之危哉。顧風俗不美，莫甚奔競，欲息奔競之途，在獎恬愉之士。今恬愉之士，臣不能悉記，一一舉之，則有市恩之疑，臣愚謂

宜詳查明，有請告過期不出，年齡青茂者，促之赴任。有壯年乞休，矢志溝壑，有曾經言事，削職爲民者，量爲酌用，使天下曉然知朝廷之上，意在憐才，而無有一毫成心其間。此熙朝之盛事也。臣請畢其說，爵祿富貴，天之所不靳，聰明才智，天之所不輕畀，蓋百人中而得一。爲用才者，宜體上天生才之意，國家得才之難之故矣。臣讀詩至白駒之章，未嘗不歎當時之輕於棄才，讀標梅之章，又未嘗不歎用才者貴及時也。聖朝彌天置羅，休休乎如天之無所不容，無令

空谷有白駒之歎，庶士有求我之嗟。臣願拭目審邊臣，邊臣者下而邊道上，而巡撫是已。苟得真材，鎖鑰攸托，徒冒虛聲，邊釁彌崇。臣嘗察今之邊道矣，引疆超乘，鷹鷂電擊者固有，亦有庸懦之流，未覩韜鈴，外惟奉巡撫頤指，惟其東西不敢違越。內惟媚津要奧，援四時起居，如奉祖考。虜至閉關，括金錢縱所欲而去。虜退閉關，上功狀邀上賞，不數年巡撫矣。又嘗察今之巡撫矣，無異前邊道所爲。稍揮霍者飾以文墨，哆以宏議，間有微捷，張煌功伐，以覲殊旌，不數年總

督矣。宮保矣。家贏金錢。世襲緹騎。後邊事大壞而不可支。彼且付之罔聞矣。然此輩非秘謀常不得而至焉。臣愚謂當審其閥閱。其陞邊道以曾任兵科或職方邊郎。或曾任邊郡縣。熟知夷情者陞。巡撫非歷邊疆久。功伐高。不得遽陞。不然。是塞上爲終南。抱壅腫之軀。掀青黃之髯者。乃縮金玉之梯階。此輩何利何幸而列。十三省方面。多碌碌以去。諸臣亦有不幸哉。恤遠臣。兩廣雲貴。吏茲土者。悉謂之遠。兩廣滇南。文物埒中土。俸餼稍厚。以故人多樂居之。惟是貴州僻

在亥步窮處黃茅嵐氛猿獠爲伍士人聞命有投牒
不往者有旣赴鬱死者臣每撫膺大息曰聖天子
明見萬里外忍使諸臣困至此極耶勞逸不均北門
大夫不免以之興歎今之情豈異古耶臣愚謂司銓
者宜劑量其間除方而知府知州知縣外如各衛經
歷吏目等官或陞或選宜以四川湖廣雲南三省人
當之蓋三省風氣接壤視他省稍習如或居官稱職
其陞遷眎他省量速一年庶幾雨露無不被之澤遠
臣無向隅之泣報禮有不重者未之信也臣在部每

見倉官來考滿者，列東西廊，幾數百人，有龍鍾不能寸步者，有魁梧衣不能掩形者，有面無人色者，千態萬狀，觸目寒心。中間欲徵微祿養妻子者，固有因生平奔走風塵，欲博一秩以榮鄉里者，未必無也。臣因退而思曰：人主官人，猶人之植物。植之高岡，則高岡植之污澤，則污澤。物之性，寧有高下哉？且今之負國病民者，不在冗散之吏，冗散之吏，稍有微瑕，得操三尺議，其後矣。是不可稍爲之寬乎？臣愚謂倉官陞遷，一以本省爲主，考滿固不容廢。然旣經院道查核，領

文赴部不知可止否。倘可停止。閱其考語。優者推陞。餘因其年力量加名色致仕去。亦恤小臣之一端也。又臣見巡檢將考滿時。若無功狀。多方搜索。以圖優擢。臣愚謂巡檢有功。固當優擢。卽無而年力才華考語俱優者。間擢一二。以爲生事者戒。一以爲安靜者勸。秤頭之苦。今秤頭之弊。三令五甲。節廉明旨。不可息者。曷故哉。則有司之過。可原焉。昔操吏治之權。在兩院。今操吏治之權。半兩院。半在內外。一警息之口。得而簧鼓之矣。有甘心恬約。無所攀援。人稱其

賢乎。昔評賢否在小民。今評賢否在士夫。在過客。士夫過客。不皆賢者。往往以情識爲毀譽。以故有司竭意傾承。折席下程。分若固有。止博一楫而已。果盡入囊橐乎。堯舜生今之時。不能必不善者不惡。時常行取。訪單稱賢。較若畫一。而後得取。曾有考滿朝覲。而不通京貴乎。旣示以多途。雖賢者不得不竭力多途。應之。臣故曰可原也。且布政司法馬輕重不等。又止一副小民。有未識法馬何狀者。又曾經庫書庫吏糧里科役。廣置膏腴。新進書生。爲其所愚。臣再曰可原。

也。今欲息小民秤頭之苦，請寬痾察之門。兩院評賢否，不必以過客士夫爲明據。吏部定行取，不必以詢謀僉同爲去留。一以兩院爲主，參以吏科河南道。如行取不當，是吏部聽兩院兩院之不職也。該科糾舉兩院何辭，或曰行取不必六科十三道詢謀以失其權，不知外而薦舉臺臣之責，內而糾舉省臣之責，權未始假借也。其法馬仍乞勅下戶部，示布政司，每縣須發十副令小民得知趨向，兩院果吏治以此爲操守第一義，庶幾小民稍得息肩，不然如蠶食桑，不盡

不止。虛糧之苦，小民死徙他鄉，孰獨攀號無從，莫此爲甚。臣竊伏爨谷，再三籌度，有司爲小民息肩，而小民未必得所，豪家反受其益。何者？豪家勢多出，有司上有司，懼撓成議，不但不盡丈其田，且以餘糧送入其戶。臣嘗有言丈田之法，縮此伸彼，利東害西，未觀其全利也。夫身之病，必有所由起，糧之虛，必有所由來。惟察其所由來，而民貧可甦矣。蓋民之糧，有急於燃眉，緩於恤役，則有減都額以售者矣。有司受其詞，察其故，責令當戶收回，此一策也。有水堆沙塞，昔爲

膏腴今成蒿萊者矣。夫此塞則彼通，此荒則彼開，有
察其開墾，今起新科，亦足以抵水堆沙塞之數。此又
一策也。嗟乎，非實有家天下子萬姓之心，不能悉心
任其責，在嚴勅兩院大吏留意耳。惟司國計者長議
焉。由票之苦，由票者戶部所頒徵輸則例是已。民何
以稱苦也。其例本一。近省郡則與各郡異，附郡縣則
與各縣異。至縣則又聽糧房私爲加增。始而圭撮，害
及尋丈，始而一人，害及萬姓。縣官有才而察其奸者，
非此無以補虛。究其極虛未補，半入吏胥之手矣。往

聞有欲爲一郡造福者。聞則例至。皆斂金以求散之。他邑是知者何幸。愚者何不幸乎。又臣往接戶部尚書耿定向語。臣曰。渠撫閩時。由票得副使鄭汝璧。而一省造福。渠歎服不置。今非無散票於下者。能必委巷皆聞知乎。非無徼板於上者乎。能必其不私加增乎。其所加編者。能必其不入已乎。臣愚謂宜勅令糧儲道務實心任事。嚴相覺察。勿令窮鄉下邑。有偏重之弊。加額之苦。如有前弊。坐以不職之罪。積荒之苦。臣切讀孟軻氏曰。民有饑色。野有餓莩。老弱轉乎溝

壑壯者散之四方以爲此或危詞動時君之聽乃今
數載孟軻氏語猶不能術其詳耳野廟荒齊柳岸長
隄一日報死數十人者賴 陛下德意有司奉行蒸
蒸良厚卒不足以回天意者何哉則積荒之漸也臣
省今年兩月不雨民稍有旱獲無秋收矣長遭窮苦
一一懇 陛下發內帑以濟內帑有限一一援常賦
以濟常賦不可闕。一一勸借富民富民皮肉且盡此
三者不可常恃臣聞古無常豐之歲有常豐之政何
者積之豫也臣再三審思除各縣各鄉多建社倉雖

有管葛不能濟矣。今各郡縣上一二倉。有司每以積穀爲苦者何哉。罰贖不得入已。動稱不便爲之下者。以倉屬上司。日查月核。時問罪贖。爲之下者。亦稱不便。今欲建無窮之計。臣愚謂宜勅下戶部。行各省從長計議。如一縣幾鄉。一鄉或一倉。或鄉濶建二倉。或一倉積穀若干。兩院近行節省。所留罰贖。或助爲買穀。張本。或冠帶尚義者。或生員監生吏典富民欲追榮祖父者。或聽納穀若干。從長計議。每年如何而聚。如何散。或年不甚荒。不必發散。或每年出陳易新。

不三年且有成矣。天下無不可爲之事。顧在人真心。何如昔人云。救荒無奇策。臣云救荒在有真心。若有真心。何事不可爲。不然民有衣寶玉而死者矣。科塲之苦。陛下痛往年科塲之弊。特差翰林科部。一旦釐而新之。德意甚善。顧可以新一時耳目。而不可以定垂裕之宏謨。何者。今天下民力竭矣。民財盡矣。省一分民受一分之賜。不擾一分民受一分之惠。陛下遣近侍諸臣分道四出。驛遞支應。有司承奉經過。各處不知其幾。本省之費。又不貲矣。此皆民之膏脂。

陛下所未盡悉也。若以其弊當革，當時止一二作俑，餘俱廩廩可查。若以臺臣難托，地方彈壓，更有大於此者。陛下且付之矣。昔巡邊止數科臣耳。陛下亦以惜費省事爲言。今年且二十餘人矣。臣以爲宜併臺臣便，省無窮極。更復何辭。諸臣挾揆藻蜚英之時，名懷以人事君之熱念，必以臣言爲無當。臣請折之曰：人貴自樹耳。一切桃李皆塵世艷目，過而不留。臣昔親覩座主身冒不韙，門生惟恐污其身而反詈之者。又有忘其姓名者。此非所稱門生哉。已可以

爲松爲栢，顧欣羨穠桃夭李，何左也。積疫之苦，人皆知救荒，不知救疫。疫者荒之因也，民饑餓中，虛濕相蒸，始一人，終千百人，始一隅，卒窮鄉極邑。西江會城數月，八千有餘藁葬，餘有生者，可知已。臣邑月一城門外出五百人，他邑又有知已。臣以爲此西江則然，及舟經南直隸等處，強村巨室，悉成莽蒼，甚至父子不相顧，兄弟不相往來，嗟嗟天何使民至此極哉。臣郡邑賴各官竭力布醫施藥，稍緩須臾，不然城郭不幾丘墟乎。臣因悟曩之死者皆枉也，故先臣有言惟

疫與大兵修短不可言命雖然握宇宙元元之命者在陛下陛下往聞畿內小民疫疾流行施藥以濟小民焚香籲天共祝聖壽今此海內之民均陛下赤子也夫捐帑藏濟民所施有限臣愚謂宜勅各處撫按每縣於歲編內編派濟疫銀一欸一縣或三百兩或四百兩每石糧不過毫末耳如疫疾流行召醫在各處施藥年年如是活一人得一人活一方得一方不然與饑民均死耳至各處名醫亦宜搜訪起送赴部聽用如有便民濟疫全書亦顯廣布民間以

博 聖惠以度羣生此非臣之迂譚也宋有惠民局
我 祖宗有醫學科今特一振舉之耳清軍之苦今
國家軍伍空虛勾單時發卒無裨戎伍者何哉一單
至邑清軍廳眎爲奇貨票發各里後不得賄不止又
司事者陰藏原籍故裝陷無爲有虛爲實逐都逐圖
名曰挨無不厭其欲不止一軍起解各里申斂金錢
作長短費本軍至衛掌印以下鎮撫以上不罄所携
不止既着伍復得錢縱之歸何者遊民頂役坐食月
糧則清勾無裨軍政有損小民明矣臣聞謀國者云

欲實軍伍，莫若隨地招補。招補一名，明書原軍名下，卽與豁除老軍之數。照詳知會，欲除里甲妄勾之苦。在十年一刊定軍策如戶部十年造黃冊例，府縣司部各存一冊，倘有清勾，有無虛寬，照冊施行。雖有黠猾，不能爲民害矣。惟陛下垂聽，又貴州雲南二省原無驛夫，以軍民爲夫，道理長遠，山勢險峻，每夫一名，幫貼數名，始得成役。晝不得力耕，夜不得安枕，月支米不過數斗，亦良慘矣。國初屯戍額五千名，今清平衛不過二三百人，昔何以充，今何以耗，此其故不

難知已。臣愚謂宜勅該部乘此清時一洗民間清勾之夙弊。至雲貴以軍代夫。合無行彼處撫按乘此清閒。悉心議處。以杜後患。每月量加月米。以恤其苦。此柔遠能邇之長策也。不然。他日有不可知者矣。驛遞之苦。諸臣條驛遞事宜甚具。願臣有遺論焉。夫壞驛遞者。不始外官。而始京官。不始他衙門。而始要路諸臣。陛下縱欲查考。不過將別衙門一二應數而已。餘未之能革也。然其情可原。外俸有盈餘。京官俸甚薄。往返百餘金始得。而京官能辦乎。詞林科道諸臣

需之珥筆秉憲而使之蒙塵道左。事體果肅乎。以是
知驛遞不難革弊而難處置得宜。夫處置得宜。在通
臣工之情耳。臣工之情。與人不甚相遠。往兵部覆疏
內方面京官有司。差人護送。量給薪米。是已洞燭臣
工之情矣。臣往聞兵部尚書譚綸建議云。驛遞難處
有二。其一兩司。其一六部大理寺屬官。兩司多有勅
書。六部間有差遺。例得應付。惟兩司部寺諸臣。或無
勅書差遺。如丁憂養病陞任之屬。當恤其情。合無丁
憂。則於所領路引上陞任。在家在京。則於所給劄付

文憑上給以夫馬小票餘遣牌者坐以重譴則冒濫之風自息矣且與其陰與之重驛遞之彙不若明與之清假借之弊相傳以爲練達名言或曰如是與馳驛奚異不知馳驛奉有特旨廩給夫馬數倍常額若以應付爲馳驛廣西雲貴小吏應付之任亦可比馳驛耶窮則變變則通通則久今正其時不然旣月易歲更其弊猶不可忍言矣

皇明經世文編卷之終

皇明經世編

皇明經世文編卷之二

驛遞之考

五

平露堂